



REPUBLIKA E SHQIPËRISË

**ENTI RREGULLATOR I SEKTORIT TË
FURNIZIMIT ME UJË DHE LARGIMIT E PËRPUNIMIT
TË UJËRAVE TË NDOTURA
KOMISIONI KOMBËTAR RREGULLATOR**

**VENDIM
Nr.578, datë 02.12.2022**

**PËR LICENCIMIN E SHOQËRISË RAJONALE UJËSJELLËS KANALIZIME
KORÇË SH.A.**

Në mbështetje të neneve 13, 14, 15, 16 dhe 17 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**Ligji nr. 8102**), VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licence" (**VKM nr.958**), si dhe vendimit të Komisionit Kombëtar Rregullator nr. 29 datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar (**Rregullore e licencimit**),

Komisioni Kombëtar Rregullator,

në mbledhjen e datës 02.12.2022 pasi shqyrtoi çështjen me objekt: "Mbi miratimin e vendimit "Për licencimin e shoqërisë Rajonale Ujësjiellës Kanalizime Korçë sh.a.",

Konstaton se:

1. Shoqëria Rajonale Ujësjiellës Kanalizime Korçë sh.a me shkresën nr. 517 prot. datë 02.11.2022 si dhe me plotësimet me anë të shkresës nr.533 prot, datë 14.11.2022, ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**) kërkesën për licencim.
2. Komisioni Kombëtar Rregullator (**KKRR**) e gjeti paraqitjen e kërkesës për licencim të Shoqërisë Rajonale UK Korçë sh.a në konformitet me kriteret dhe procedurën e parashikuar në VKM nr. 958 dhe Rregulloren e licencimit, "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", i ndryshuar, si dhe në zbatim të parashikimeve të VKM nr. 302, datë 11.05.2022 "Për Politikat Kombëtare për Riorganizimin e Sektorit të Furnizimit me Ujë dhe të Largimit, Trajtimit dhe Përpunimit të Ujërave të Ndotura" (**VKM nr. 302**).

3. Referuar kërkesës dhe dokumentacionit shoqërues, rezulton:

- a) Shoqëria Rajonale Ujësjiellës Kanalizime Korçë sh.a (NUIS M24431001N) është themeluar më datë 12.07.2022, me aksionarë Ministria e Infrastrukturës dhe Energjisë me 51% dhe Bashkitë Korçë me 28.29%, Kolonjë me 3.64%, Devoll me 7.76%, Maliq me 8.67%, Pustec me 0.63%.
- b) Shoqëria Rajonale UK Korçë sh.a ofron shërbimin e furnizimit me ujë dhe largimit të ujërave të ndotura për 152 548 banorë të Bashkive Korçë, Kolonjë, Devoll, Maliq;
- c) Shoqëria Rajonale UK Korçë sh.a ofron shërbimin trajtimit të ujërave të ndotura për 85 000 banorë të Bashkisë Korçë;
- d) Drejtues teknik i shoqërisë z. Pandi Qirinxi është diplomuar në Universitetin Politeknik, në Fakultetin e Inxhinierisë së ndërtimit, Dega Gjeodezi në vitin 1985 dhe plotëson kërkesat e VKM nr. 958 mbi edukimin dhe eksperiencën në profesion.
- e) Drejtues teknik i shoqërisë për Impiantin e përpunimit të ujërave të ndotura z. Aleks Andoni është diplomuar në Universitetin e Tiranës, në degën Kimi industriale në vitin 1993 dhe plotëson kërkesat e VKM nr. 958 mbi edukimin dhe eksperiencën në profesion.

4. ERRU në vlerësimin e kërkesës për licencim për herë të parë ka marrë në konsideratë përmbushjen nga ana e shoqërisë Rajonale UK Korçë sh.a, të:

- a) Kërkesave të ligjit nr. 8102 si dhe kuadrit rregullator në fuqi, në mënyrë të veçantë plotësimin e kushteve si aftësi tekniko-profesionale, aftësi financiare të nevojshme për të përmbushur funksionet dhe për të plotësuar kushtet e licencës, përvojën në sektorin e ujësjiellësve dhe kanalizimeve të mjaftueshme për të marrë përsipër detyrimet që ka licenca, si dhe mbrojtjen e interesave të konsumatorëve në lidhje me cilësinë, efikasitetin, vazhdueshmërinë dhe garancinë e shërbimit;
- b) Kërkesave të ligjit nr. 9121, datë 28.7.2003 “Për mbrojtjen e Konkurrencës” të ndryshuar, (**ligji nr. 9121**) për mos lejimin e abuzimit me pozitën dominuese në treg të ndërmarrjes veçanërisht në lidhje me kufizimin e tregjeve;

5. ERRU, në bazë të vlerësimit dhe verifikimeve të kërkesës së shoqërisë Rajonale UK Korçë rekomandon:

- Shoqëria Rajonale UK Korçë të pajiset me akt miratime higjieno - sanitare për të gjithë zonën e shërbimit, duke përfshirë edhe Bashkinë Pustec.

Për gjithë sa më sipër Komisioni Kombëtar Rregullator, pasi arriti në përfundimin se kërkesa e shoqërisë Rajonale UK Korçë sh.a është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

VENDOSI:

1. Licencimin e Shoqërisë Rajonale Ujësjiellës Kanalizime Korçë sh.a me (NUIS M24431001N), në kategoritë:

- a) Kategoria A - Për grumbullimin dhe shpërndarjen e ujit për konsum publik;
 - b) Kategoria C - Për largimin e ujërave të ndotura;
 - c) Kategoria D - Për trajtimin e ujërave të ndotura.
2. Shoqëria Rajonale Ujësjiellës Kanalizime Korçë sh.a autorizohet të kryejë veprimtaritë e licencuara me:
 - a) Drejtues Ligjor – Petrit Tare
 - b) Drejtues Teknik – Pandi Qirinxhi
 - c) Drejtues Teknik – Aleks Andoni
 3. Zona e shërbimit të shoqërisë Rajonale Ujësjiellës Kanalizime Korçë sh.a janë Bashkitë Korçë, Kolonjë, Devoll, Maliq.
 4. Kjo licencë është e vlefshme për një periudhë 2 vjeçare.
 5. Vendimi i KKRR nr.40, datë 27.01.2021 për “Licencimin e Shoqërisë Ujësjiellës Kanalizime Korçë sh.a.”, shfuqizohet;
 6. Vendimi i KKRR nr.476, datë 09.12.2021 për “Licencimin e Shoqërisë Ujësjiellës Kanalizime Devoll sh.a.”, shfuqizohet;
 7. Vendimi i KKRR nr.390, datë 21.10.2021 për “Licencimin e Shoqërisë Ujësjiellës Kanalizime Maliq sh.a.”, shfuqizohet;
 8. Drejtuesi ligjor i shoqërisë Rajonale Ujësjiellës Kanalizime Korçë sh.a detyrohet të nënshkruajë Kushtet e Licencës brenda 10 ditëve nga data e njoftimit.
 9. Ngarkohet Drejtoria Teknike Ekonomike të njoftojë shoqërinë Rajonale Ujësjiellës Kanalizime Korçë sh.a për marrjen e këtij vendimi.

Ky vendim hyn në fuqi menjëherë.

Ky vendim publikohet në Fletoren Zyrtare.

KRYETAR
Ndriçim Shani